

Montealto e do capitani e do di quelli altri commissarii, e zurovi, non mi atendendo, li farò taiar la testa». *Item*, scrive ditto Provedador, come per nostre letere ha inteso Lutrech aver mandato il suo tesorier di qui per danari; dice non saper nulla, *tamen* bisogna proveder di mandarli.

Fu posto, per li Savi, una letera a li Provedadori zeneralì tuti do: Prima come laudemo quanto ne ha ditto voler far monsignor di Lutrech e aver li obstasi avanti li dagi danari; e cussi in questa sera avviamo a la volta di Lignago ducati 15 milia, e però voglia esso Griti usar ogni diligentia in aver presto Verona, et dandoli denari aver li obstasi, quali da Lutrech siano ben custoditi, e aver provision dal dito episcopo di Trento di far la consignation etc. *Item*, a quanto dia aver Lutrech si provedi, et manderassi li denari. Avè la dita letera 174, nulla di no, nulla non sincere.

Fu posto, per li diti Savii, 3 patente: Per una, la ratification dil Senato di la trieva con la Cesarea Maestà per mexi 18. *Item*, un'altra che li lassemo libere Riva e Roverè, e in lochi di Friul chi ha si tegna. *Item*, la submission che si mettemo al Christianissimo re et re Catholico a difinir le altre differentie con la Cesarea Maestà e nui, et quello loro terminerano, sia fermo et rato. *Item*, si farà un'altra di scudi 50 mila presenti et 50 mila a tempo di uno anno, *ut in capitulis*. Avè 2 di no.

Fo exortato tuti, per il Cancelier grando, a portar li danari promessi, atento il bisogno si ha di mandarli, e si alcun volesse per zelo di la patria prestar, prestasse. *Tamen* niuno si andò a ofierir, et cussi li cassieri andono a far li gropi. Fo mandato ducati 15 milia, e il dì seguente altri ducati 15 milia, in tutto 30 milia, et venisseno zoso a hore 2 e meza di note.

236\* *A dì 8 Zuoba. Etiam* fo ordinato far ozi Gran Consejo per aver li danari dil Governador, che vol prestar.

Vene il signor Janus di Campofregoso, qual si parte e va in campo ad Albarè. Ricordò il fortifichar di Crema et Brexa dove è stato a quel governo. *Item*, dil modo di tener le zente, con assà degni aricordi, e telse licentia.

*Di Roma, fo letere di l'Orator nostro, di 3 le ultime, di Napoli dil Consolo di 26, et di campo di 7, hore 16, dil provedador Griti.* Zercha quello dia aver Lutrech, e sopra danari. Il sumario di le qual lettere tutte noterò qui sotto.

Veneno li oratori visentini, i quali fono admoniti per il Principe a trovar li danari, con gran pa-

role etc. Si seusiono fanno il suo forzo e li troverano. È da saper, in questi zorni è morto a Padoa uno dei primi vicentini, stava in questa terra, domino Simon da Porto el cavalier, da ponta.

#### *Scurtinio di Governador di l'intrade.*

|  |        |
|--|--------|
| Sier Zacharia Bembo, fo a le Raxon vecchie, qu. sier Daniel da San Zulian . . . . .  | 36.107 |
| † Sier Michiel Morexini, fo di Pregadi, qu. sier Piero, qual, oltra ducati 800 prestò per avanti, oferisse e portò ducati 1500 e dona il don . . . . . | 99. 41 |
| Sier Sebastian Bernardo, fo di Pregadi, qu. sier Andrea, portò ducati 500 e il don, oltra ducati. . . . . prestadi per avanti. . . . .                 | 76. 67 |

#### *Camerlengo a Padova.*

|   |         |
|---|---------|
| Sier Zuan Arimondo, fo Cinque di la Paxe, qu. sier Zorzi, ducati 400 e il don, di qual 200 è in banco di Pisani, zoè la partida . . . . .   | 43.103  |
| Sier Zuan Bembo di sier Alvixe, ducati 500 contadi e dona il don. . . . .   | 51. 93  |
| Sier Zorzi Arimondo, fo podestà a la Mota, qu. sier Fantin . . . . .  | 22.128  |
| Sier Nicolò Morexini di sier Zacharia da San Zuane novo, ducati 400 contadi e il don, e dona ducati 50 dil suo imprestado . . . . .   | 75. 66  |
| Sier Giacomo Simitecolo, fo cao di XL, qu. sier Alexandro, qual, oltra ducati 250 per XL, promete ducati 300 e dona il don, di qual portò contadi 200 . . . . .   | 82. 61  |
| Sier Lunardo Balbi qu. sier Zuane . . . . .   | 18.127  |
| Sier Vincenzo Bembo, fo Cao di XL, qu. sier Biaxio, ducati 300 contadi e il don. . . . .  | 63. 80  |
| Sier Francesco Cocho, fo podestà a Citadela al tempo del conflitto, qu. sier Antonio, oferse ducati 300 e il don, di qual sier Andrea Zustinian suo barba promete ducati 200 darli questa sera per lui; il qual sier Francesco stè 30 mexi prexon in Alemagna . . . . . | 119. 23 |
| Sier Zacharia Trivixan di sier Nicolò el consier qu. sier Toma procurator, il qual oferse ducati 400 contadi e  |         |